

ՈՐՈՇՈՒՄ

ԴԱՏԱՀՈԳԵՐՈՒԺԱԿԱՆ ԱՄԲՈՒԼԱՏՈՐ ՓՈՐՁԱՔՆՆՈՒԹՅՈՒՆ ՆՇԱՆԱԿԵԼՈՒ ՄԱՍԻՆ

09.04.2019թ.

ք.Գորիս

«Ը ԲԿ ԶԲԳՎ 9-րդ կայազորային քննչական բաժնի ՀԿԳ քննիչ Կ.Ղազարյանս, վերանայելով վարույթումս քննվող թիվ 90500919 քրեական գործի նյութերն ըստ մեղադրանքի Նարեկ Մխիթարի Գրիգորյան՝ «Ը քրեական օրենսգրքի 363-րդ հոդվածի առաջին մասով,

ՊԱՐԶԵՑԻ

«Ը ՊՆ 54122 զորամասի պարտադիր ժամկետային զինծառայող, նորակոչիկ, շարքային Նարեկ Մխիթարի Գրիգորյանը 2019թ. փետրվարի 10-ին՝ ժամը 15:30-ի սահմաններում, զորամասի ուսումնական վաշտի լվացարանում իր կողապահարանից վերցրած «Բիկ» տեսակի ածելիից առանձանացրել է գլխիկը և դրանով ձախ նախաբազկի շրջանում քերծվածքներ անելու եղանակով կատարել է անդամախեղում, որի հետևանքով տեղափոխվել է «Ը ՊՆ 70011 զորամաս (ԶԿԶ հոսպիտալ), որը հանգեցրել է զինվորական ծառայության պարտականությունների կատարումը ժամանակավորապես դադարեցնելուն:

Դեպքի առթիվ 20.02.2019թ. Գորիսի կայազորի զինվորական դատախազությունում «Ը քրեական օրենսգրքի 363-րդ հոդվածի առաջին մասով նախատեսված հանցագործության հատկանիշներով հարուցվել է թիվ 90500919 քրեական գործը, որը նախաքննություն կատարելու համար ուղարկվել է «Ը ԲԿ ԶԲԳՎ 9-րդ կայազորային քննչական բաժնի:

08.04.2019թ. որոշում է կայացվել Նարեկ Մխիթարի Գրիգորյանին «Ը քրեական օրենսգրքի 363-րդ հոդվածի առաջին մասով որպես մեղադրյալ ներգրավելու մասին:

08.04.2019թ. Նարեկ Մխիթարի Գրիգորյանին մեղադրանք է առաջադրվել «Ը քրեական օրենսգրքի 363-րդ հոդվածի առաջին մասով և նրա նկատմամբ որպես խափանման միջոց է կիրառվել հրամանատարության հսկողության հանձնելը:

Նկատի ունենալով, որ քրեական գործի վերջնական ընթացքը լուծելու և կարևոր նշանակություն ունեցող մի շարք հարցեր պարզելու համար անհրաժեշտ են դատահոգեբուժական բնագավառի մասնագիտական հատուկ գիտելիքներ ու մի շարք այլ հարցեր, ուստի ղեկավարվելով «Ը քրեական դատավարության օրենսգրքի 55, 243-245 և 248 հոդվածներով,

ՈՐՈՇԵՑԻ

1. Վարույթումն քննվող թիվ 90500919 քրեական գործով նշանակել դատահոգեբուժական ամբուլատոր փորձաքննություն, որի կատարումը հանձնարարել Այունիքի մարզային նյարդահոգեբուժական դինսպանսեր ՓԲԸ-ի փորձագետներին:

2. Դատահոգեբուժական փորձագետների հանձնաժողովի լուծմանն առաջադրել հետևյալ հարցերը.

ա) Մեղադրյալ Ն.Մ.Գրիգորյանը որևէ հոգեկան հիվանդությամբ տառապել կամ տառապում է, թե ոչ, եթե այո, ապա ինչպիսի հոգեկան հիվանդությամբ և երբվանից:

բ) Եթե Ն.Մ.Գրիգորյանը տառապել է հոգեկան հիվանդությամբ, ապա այդ հիվանդությունը գտնվում է արդյոք պատճառական կապի մեջ նրա կողմից 2019թ. փետրվարի 10-ին անդամախեղում կատարելու հետ:

գ) Եթե Ն.Մ.Գրիգորյանը տառապել է հոգեկան հիվանդությամբ /քրոնիկ հոգեկան հիվանդությամբ, հոգեկան գործունեության ժամանակավոր խանգարմամբ, տկարամտությամբ կամ հոգեկան այլ հիվանդագին վիճակով/, ապա տվյալ հիվանդությունը կամ հիվանդագին վիճակը կամ խանգարումը 2019թ. փետրվարի 10-ին անդամախեղում կատարելու պահին նրան զրկել է իր գործողությունների համար իրեն հաշիվ տալու կամ դրանք ղեկավարելու ընդունակությունից /հնարավորությունից/:

դ) Ն.Մ.Գրիգորյանը մեղսունակ է, սահմանափակ մեղսունակ, թե անմեղսունակ:

ե) Ն.Մ.Գրիգորյանը իր առողջական վիճակով հասարակության համար վտանգավորություն ներկայացնում է, թե՛ ոչ:

զ) Եթե Ն.Մ.Գրիգորյանն անմեղսունակ է, ապա նա բժշկական բնույթի հարկադրանքի միջոցների կարիք ունի, թե՛ ոչ, եթե այո, ապա՝ ինչպիսի:

է) Եթե Ն.Մ.Գրիգորյանի մոտ առկա է հոգեկան հիվանդություն, ապա հնարավոր է, որ այն փոխանցված լինի ժառանգաբար, թե՛ ոչ:

3. Փորձագետներին խնդրել պատասխանելու նաև այն հարցերին, որոնք թեև սույն որոշման մեջ չեն առաջադրվել, սակայն կարող են առաջանալ փորձաքննության ընթացքում, կմտնեն դատահոգեբուժական փորձագետների իրավասությունների մեջ և էական նշանակություն կարող են ունենալ քրեական գործի նախաքննության լրիվության, բազմակողմանիության և օբյեկտիվության համար:

4. Փորձագետներին նախազգուշացնել ՀՀ քրեական օրենսգրքի 338 հոդվածով ակնհայտ կեղծ եզրակացություն տալու համար նախատեսված քրեական պատասխանատվության մասին:

ՀԿԳ քննիչ՝

Կ. Ղազարյան